

Sanguinis præterea feces seu limum, partemque eius magis terrestrem & impuram excipere debet. Propter raritatem autem substantiae, contingit splenem eousque aliquando increscere, necnon intumescere, ut sinistram ventris partem omnino quasi impleat, sicque quasi sistit septum transuersum, ne liberè attolli deprime possit dum respirationi inseruit; vnde aliquando quasi grunitus in somno eduntur frequentes atque magni, magnaque difficultas spirandi accedit. Hepar quoque citò induratur, propterea quod multum est compactum eius corpus, venasque minimas habeat, vnde accidit ea quæ crassiorem nocta sunt substantiam; facile obhaerere in eius meatibus, sicque indurescere.

PARS AFFECTA, est ipse lien, quod ex dolore cum positu intelligitur, & grauitate.

SIGNA. In loco splenis tumor percipitur ob copiam materiei, & dolor grauans. Subinde quidem tumor laxus est, alias etiam durus, qui aliquando vniuersum hypochondrium implet, parsque materiei aliquando in omentum transfunditur; alias verò lienis capacitate concluditur. Dum se cursu vel labore exercet æger, difficilius spirat; id quod etiam accidit dum in dextrum latus decumbit, magis quam si in sinistro quiescat, eo quod non ita suspendatur viscus, neque diaphragma ita à visceris magnitudine premitur. Cibum male concoquunt; satis tamen appetunt sic laborantes. Multa fizoris saliuatio. flatus multi in corpore generantur qui rugitum fluctuationemque in sinistra corporis parte excitant, ibidemque venter intenditur. Corporis magna segnities concurrevit. Insomnia fiunt turbulentæ, capitique fit grauitas; hinc tumiditas, rerumque contemptus concurrevit. Aluum adstrictam magna ex parte habent. Cum autem materia mali magis corrumpitur, fureréque quasi in corpore incipit, tunc prædicta omnia grauiora, manifestioraque fiunt, faciei color vitiari incipit, totumque corpus inuadit & vitiat; hinc os male olet, gingivæ exeduntur, à dentibusque discedunt, intumeſcit locus

V iij